



10713

東坡集卷之二十一

贊

眉山蘇

軾東坡氏著

延州來季子贊

并序

魯襄公十二年吳子壽夢卒延州來季子其少子也以讓國聞於諸侯則非童子矣至哀公十年冬楚令尹子期伐陳季子救陳謂子期曰二君不務德而力爭諸侯民何罪焉我請退以爲子名務德而安民乃還時去壽夢卒蓋七十七年矣而能千里將兵季子何其壽而康也然其卒不書於春秋哀公之元年吳王夫差敗越於夫椒句踐使大夫種因太宰嚭以行成於吳吳王許之子胥諫

東坡集卷三

贊

一

不聽則吳之亡形成矣季子觀樂於魯知列國之廢興於百年之前方其救陳也去吳之亡十三年耳而謂季子不知可乎闔廬之自立也曰季子雖至不吾廢也是季子聽信於吳人而言行於其國也且帥師救陳不戰而去之以爲敵國名則季子之於吳蓋亦少專矣救陳之明年而子胥死季子知國之必亡而終無一言於夫差知言之無益也夫子胥以闔廬霸而夫差殺之如見隸豷難於季子乎烏乎悲夫吾是以知夫差之不道至於使季子不敢言也蘇子曰延州來季子張子房皆不死者也江左諸人好談子房季札之賢有以也夫此可與知者論難與俗人言也作延州來

季子子房贊曰

泰伯之德鍾於先生棄國如遺委蛇而行坐閱春秋幾五之二古之真人有化無死

二疏圖贊

惟天爲健而不干時沈潛剛克以燮和之於赫漢高以智刀王凜然君臣師友道喪喪孝宣中興以決馭人殺蓋韓楊益三良臣先生憐之振袂脫屣使知區區不足驕士此意莫陳千載于今我觀畫圖涕下沾襟

夢作司馬相如求畫贊

并敘

東坡集卷三十一

贊

二

夜夢嚴君平司馬相如楊子雲合席而坐子雲曰長卿久欲求公

作畫贊余辭以罪戾之餘久廢筆硯子雲懇祈不獲已爲之旣成

子雲戲余曰三賦果足以重趙乎余曰三賦足以重趙則子之太

元果足以重趙乎爲之一笑而散

長卿有意慕蘭之勇言還故鄉閭里是聳景星鳳凰以見爲寵煌

煌二賦可使趙重

孔北海贊

并序

交舉以英偉冠世之資師表海內意所予奪天下從之此人中龍也而曹操陰賊險狠特鬼賊之雄者耳其勢決不兩立非公誅操

則操害公此理之常而前史乃謂公負其高氣志在靖難而才疎
意廣訖無成功此蓋當時奴婢小人論公之語公之無成天也使
天未欲亡漢公誅操如殺狐兔何足道哉世之稱人豪者才氣各
有高庠然皆以臨難不懼談笑就死爲雄操以病亡子孫滿前而
啣嚙涕泣留連妾婦分香賣履區處衣物平生姦偽死見真性世
以成敗論人物故操得在英雄之列而公見謂才疎意廣豈不悲
哉操平生畏劉備而備以公知天下有已爲喜天若昨漢公使備
誅操無難也予讀公所作楊四公贊歎曰方操害公復有魯國一
男子慨然爭之公庶幾不死乃作孔北海贊曰

東坡集卷二 贊

三

晉有羯奴盜賊之靡欺孤如操又羯所耻我書春秋與齊豹齒文
舉在天雖亡不死我宗若人尚友千祀視公如龍視操如鬼

鬪讒贊

黃沙枯鬪髑本是桃李面而今不忍看當時恨不見業風相鼓轉
巧色羨倩盼無師無眼禪看便成一片

李西平畫贊

以吾觀西平王提孤軍自北方赴行在走懷光斬朱泚如反掌及
其後歸鳳翔與隴右瞰河湟兵益振謀旣滅終不能取尋常墮賊
計困平涼卒罷兵什三將誰之咎在廟堂斬馬劍誅延賞爲雍隴

不足償覽遺像涕泗滂

醉吟先生畫贊

黃金斗碧玉壺足踏東流水目送西飛鳥擁髻顧影者真子子之侍妾香鬢直眎者非列仙之臞儒

忠懿王贊

文武忠懿堂堂如春中有樗里不以示人雷行八區震驚聽聞提十五州共爲帝民送君者自崖而返以安樂其子孫九萬里則風斯在下矣眇大物而成仁

王之畫像贊

并敘

東坡集卷三十一 贊

四

傳曰不有君子其能國乎余嘗三復斯言未嘗不流涕太息也如漢汲黯蕭望之李固吳張昭唐魏鄭公狄仁傑皆以身殉義招之不來麾之不去正色而立于朝則豺狼狐狸自相吞噬故能消禍於未形救危於將亡使皆如公孫丞相張禹胡廣雖累千百緩急豈可望哉故翰林王公元之以雄文直道獨立當世足以追配

此六君子者方是時朝廷清明無大姦慝然公猶不容於中耿然如秋霜夏日不可狎玩至於三黜以死有如不幸而處於衆邪之間安危之際則公之所爲必將驚世絕俗使斗筲穿窬之流心破膽裂豈特如此而已乎始余過蘇州虎丘寺見公之畫像想其遺

風餘烈願爲執鞭而不可得其後爲徐州而公之曾孫汾爲兗州以公墓碑示余乃追爲之贊以附其家傳云維昔聖賢患莫已知公遇太宗允也其時帝欲用公公不少貶三黜窮山之死靡憾感平以來獨爲名臣一時之屈萬世之信紛紛鄙夫亦拜公像何以占之有泚其頽公能泚之不能已之茫茫九原愛莫起之

王仲儀眞贊

并敘

孟子曰所謂故國者非謂有喬木之謂也有世臣之謂也又曰爲政不難不得罪於巨室巨室之所慕一國慕之一國之所慕天下慕之夫所謂世臣者豈特世祿之人而巨室者豈特侈富之家也

東坡集卷三十一

贊

五

哉蓋功烈已著於時德望已信於人譬之喬木封殖愛養自拱把以至於合抱者非一日之故也平居無事商功利課殿寂誠不如新進之士至於緩急之際決大策安太衆呼之則來揮之則散者惟世臣巨室爲能余嘉祐中始識懿敏王公於成都其後從事於岐而公自許州移鎮平涼方是時虜大舉犯邊轉運使攝帥事與副總管議不合軍無紀律邊人大恐聲搖三輔及聞公來吏士踴躍傳呼旗旆精明鼓角譟亮虜即日解去公至燕勞將佐而已余然後知老臣宿將其功用蓋如此使新進之士當之雖有韓白之勇長平之奇豈能坐勝默成如此之捷乎熙寧二年秋余將往錢

塘見公於私第佚老堂飲酒至暮論及當世事曰吾老矣恐不復見子厚自愛無忘吾言既去二年而公薨又六年乃作公之真贊以遺其子鞏詞曰

堂堂魏公配命召祖顯允懿敏維周之虎魏公在朝百度維正懿敏在外有聞無聲高明廣大宜公宜相如木百圍宜宮宜堂天既厚之又富貴之如山如河維安有之彼寡人子既陋且寒終勞永憂莫知其賢曷不觀此佩玉劍履晉公之孫魏公之子

王定國真贊

溫然而澤者道人之腴也凜然而清者詩人之癯也雍容委蛇者

東坡集卷二十一

贊

六

貴介之公子而短小精悍者游俠之徒也人何足以知之此皆其膚也若人者秦不驕困不撓而老不枯也

秦少游真贊

以君爲將仕也其服野其行方以君爲將隱也其言文其神昌置而不求君不卽卽而求之君不藏以爲將仕將隱者皆不知君者也蓋將望所有而乘所遇以游于世而卒反於其鄉者乎

徐大正真贊

賢哉徐子溫文而毅儒不亂法俠不犯忌求之古人尚論其世登唐滅漢三國之士我非北海安識子義願觀伯符擊戟爲戲

李端叔真贊

龍眠居士畫李端叔東坡老人贊之曰須髮之拳然指宇之淵然披胸腹之掀然以爲可得而見歟則漠乎其無言以爲不可得而見歟則已見畫于龍眠矣嗚呼將爲既琢之玉以役其天乎其將爲不雨之雲以抱其全乎抑將游戲此世而時出於兩者之間也

元華子真贊

方口而髯秀眉覆顙示我其華我識其元我來從之曰擊道存我有陋室茅茨采椽灑掃庭戶窗牖廓然虛空無人願受子言

思無邪齋贊

東坡集卷二十一

贊

七

飲食之精草木之華集我丹田我丹所家我丹伊何鈔汞丹砂客主相守如巢養鴉培以戊己耕以赤蛇化以丙丁滋以河車乃根乃株乃實乃華晝煉于日赫然丹霞夜浴于月皓然素葩金丹自成曰思無邪

此贊信筆直書不加點定殆是天成非以意造也紹聖元年十月二十日

六觀堂贊

我觀眾生念念爲人晝不見心夜不見身佛言如夢非想非因夢中常覺孰爲形神我觀眾生終日疑怖土偶不然無量礙故佛言

如幻永離愛惡飢餐畫餅無有是處我觀眾生起滅不停以是爲故
乃有死生佛言如泡泡木無成能壞能成雖佛不能我觀眾生顛倒
已久以尤爲無以影爲有佛言光影我亦舉手從此永斷日中狂
走我觀眾生同游露中對面不見衣沾眼蒙佛言如露一照而通
蒙者旣滅照者亦空我觀眾生神通自在於電光中建立世界佛
言如電言發意會佛與眾生了無雜壞垂慈老人嘗作是觀自一
至六六生千萬生故無窮一故不亂東坡無口孰爲此贊

二笑圖贊

彼三士者得意忘言盧胡一笑其樂也天嗟此小童麋鹿狙猿爾

東坡集卷二十一 贊

八

各何知亦復粲然萬生紛綸何鄙何妍各笑其笑未知孰賢

顧愷之畫黃初平牧羊圖贊

先生養生如牧羊放之無何有之鄉止者自止行者行先生超然
坐其旁挾策讀書羊不亡化而爲石起復僵流涎磨牙笑虎狼先
生指呼羊服箱號稱兩工行四方莫隨上林芒屨郎歟門舐地尋
鹽湯

膠西蓋公堂照壁畫贊 并引

陸探微畫師子在閩州甘露寺李衛公鎮浙西所留者筆法竒古
絕不類近世予爲甘露寺詩有云破板陸生畫青猊戲盤踞上有

二天人揮手如翔鸞筆墨雖欲盡典刑垂不刊者也熙寧九年十一月十五日命工摹置膠西蓋公堂中且贊之云

高其目仰其鼻奮髯吐舌威見齒舞其足前其耳左顧右盼喜見尾雖猛而和蓋其戲置之高堂獲燕几啼呼顛沛走百鬼嗟乎妙哉古陸子

韓幹畫馬贊

韓幹之馬四其一在陸驥首奮鬣若有所望頓足而長鳴其一欲涉尻高首下擇所由濟踟躕而未成其二在水前者反顧若以鼻語後者不應欲飲而留行以爲廐馬也則前無羈絡後無箠策以爲野馬也則隅目聳耳豐臆細尾皆中度程蕭然如賢大夫貴公子相與解帶脫帽臨水而濯纓遂欲高舉遠引友麋鹿而終天年則不可得矣蓋優哉游哉聊以卒歲而無營

九馬圖贊 并敘

長安薛君紹彭家藏曹將軍九馬圖杜子美所爲作詩者也拳毛師子二駿在焉作九馬贊

牧者萬歲繪者惟霸甫爲作誦偉哉九馬姚宋廟堂李郭治兵下毛龍以馭羣英我思開元今爲幾日筋骨應圖至二萬正云何寂寥跬步山川負鹽挽磨淚濕九泉乳牡驪黃自以爲至駸其一

毛乘我千里蹠蓄是乘脂蠟其鞭道阻且長明其永歎

三馬圖贊

并引

元祐初上方閉玉門關謝遣儲太師文彥博宰相呂大防范純仁
建遣諸生游師雄行邊敕武備師雄至熙河蕃官包順請以所部
熟戶除邊患師雄許之遂禽猾羌大首領鬼童青宜結以獻百官
皆賀且遣使告永裕陵時西域貢馬首高八尺龍顛而鳳膺虎脊
而豹章出東華門入天駟監振鬣長鳴萬馬皆瘖父老縱觀以爲
未始見也然上方恭默思道入驥在 未嘗一顧其後圉人起居
不以時馬有斃者上亦不問明年羗温溪心有良馬不敢進請於

東坡集卷三十一

贊

十

邊吏願以餽太師潞國公詔許之蔣之奇爲熙河帥西蕃有貢駿
馬汗血者有司以非入貢歲月留其使與馬於邊之奇爲請乞不
以時入事下禮部賦時爲宗伯判其狀云朝廷方却走馬以糞正
復汗血亦何所事遂寢于時兵革不用海內小康馬則不遇矣
而人少安賦嘗私請於承議郎李公麟畫當時三駿馬之狀而使
鬼童青宜結校之藏於家紹聖四年三月十四日賦在惠州謫居
無事閱舊書畫追思一時之事而歎三馬之神駿乃爲之贊曰

吁鬼童世悍驕奔貳師走嫖姚今在廷服虎貂效天驥立內朝八
尺龍神超遙若將西燕昆瑤帝念民乃下招籥歸雲逝房妖

李潭六馬圖贊

六馬異態以似爲妍畫師何從得所以然相被癡者舉屣見咽方其癡時槁木萬錢絡以金玉非爲所便烏乎各適其適以全吾天乎

郭忠恕畫贊

九叙

右張夢得所藏郭忠恕畫山水屋木一幅忠恕字恕先以字行洛陽人少善屬文及史書小學通九經七歲舉童子漢湘陰公辟從事與記室董喬爭事謝去周祖召爲周易博士國初與監察御史符昭文爭忿朝堂貶乾州司戶秩滿遂不仕放曠岐雍陝洛間逢

東坡集卷三十一 贊

十一

人無貴賤口稱猫遇佳山水輒畱旬日或絕粒不食盛夏暴日中無汗大寒鑿冰而浴尤善畫妙於山水屋木有求者必怒而去意欲畫卽日爲之郭從義鎮岐下延止山亭設絹素粉墨於坐經數月忽乘醉就圖之一角作遠山數峰而已郭氏亦寶之岐有富人子喜畫日給淳酒待之甚厚久乃以情言且致匹素恕先爲畫小童持線車放風鳶引線數丈滿之富家子大怒遂絕時與役夫小民入市肆飲食曰吾所與游皆子類也太宗聞其名召赴闕館於丙侍省押班寶神興舍恕先長髯而美忽盡去之神興驚問其故

曰聊以効擢神興大怒除國子監主簿出館於大學益縱酒肆言

時政頗有謗讟語聞決杖配流登州至齊州臨清謂部送吏曰我
逝矣因培地爲穴度可容面俯窺焉而卒藁葬道左後數月故人
欲改葬但衣衾存焉蓋屍解也贊曰

長松攬天蒼壁插水憑欄飛觀縹緲誰子空濛寂歷烟雨滅沒忽
先在焉呼之或出

石室先生畫竹贊

并敘

與可文翁之後也蜀人猶以石室名其家而與可自謂笑笑先生
蓋可謂與道皆逝不留於物者也顧嘗好畫竹客有贊之者曰

先生閒居獨笑不已問安所笑笑我非爾物之相物我爾一也先
生又笑笑所笑者笑笑之餘以竹發妙竹亦得風天然而笑

東坡集卷二

贊

三

又與可畫贊

友人文與可既歿十四年見其遺墨於呂元鈞之家嗟歎之餘輒
贊之

竹寒而秀木瘠而壽石醜而文是爲三益之友粲乎其可接邈乎
其不可圍我懷斯人嗚呼其可復覩也

文與可畫墨竹屏風贊

與可之文其德之糟粕與可之詩其文之毫末詩不能盡溢而爲
書變而爲畫皆詩之餘其詩與文好者益寡有好其德如好其畫

者乎悲夫

戒壇院文與可畫墨竹贊

風梢雨擗上傲冰霜霜根雪節下貫金鐵誰爲此君與可姓文惟其有之是以好之

文與可飛白贊

嗚呼哀哉與可豈其多好好奇也歟抑其不試故藝也如余見其詩與文又得見其行草篆隸也以爲止此矣旣沒一年得而復見其飛白美哉多乎其畫萬物之態也霏霏乎其若輕雲之蔽月飄飄乎其若長風之卷旆也猗猗乎其若游絲之縈柳絮裊裊乎其若流水之舞若帶也離離乎其遠而相屬縮縮乎其近而不隘也其工至於如此而余乃今知之則余之知與可者固無幾而其所不知者蓋不可勝計也嗚呼哀哉

文與可枯木贊

怪木在廷枯柯北走窮猿投壁驚雀八牖枯者蒲氏畫者文叟贊者蘇子觀者如流

李伯時所畫沐猴馬贊

吾觀沐猴以馬爲戲至使此馬竊銜誰譚沐猴宜馬真虛言爾

菽月圖贊

癡臺鬪肉脚睨天目偉哉黑龍見此虬服墓死月明龍反其族垂
雲雲天雨我百穀

東坡過余清虛堂欲揮翰筆誤落紙如蜿蜒狀因點成眼目畫
缺月其上名救月圖并題此贊偶爾遊戲遂成奇筆王鞏題

捕魚圖贊

君秀水暖龜魚出戲怒一作獨蛙無朋寂寞鼓吹孰謂魚樂強靡

相屠去是噉口以完長須

偃松屏贊

并引

余爲中山守始食北嶽松膏爲天下觀其木理堅密瘠而不瘁信

東坡集卷二十一

贊

十四

植物之英烈也謫居羅浮山下地煖多松而不識霜雪如高才勝
人生縉純家與孤臣孽子有間矣士踐憂患安知非福幼子過從
我南來畫寒松偃蓋爲護首小屏爲之贊曰

燕南趙北大茂之麓天偃雪峯地裂冰谷凜然孤清不能無生
此偉竒北方之精蒼皮玉骨硤硤齷齷方春不知沍寒秀發孺子
介剛從我炎荒霜中之英以洗我瘴

三禽圖贊

无益粒食于何不有巢林一枝何苦而聞

剝啄清音發于高深決然驚起翠羽在森

悅而飲仰而嚙海運鵬搏吾亦無羨

採日月華贊

每日採日月華時不能誦得古人呪語以意撰數句云

我性直有是身本空四大合成與天地通如蓮芭蕉萬竅玲瓏無道不入有光必容曠曠太陽凡火之雄湛湛明月衆水之宗我爾法身何所不充不足則取有餘則供取予無心唯道之公各忘其身與道俱融

石菖蒲贊 并敘

本草菖蒲味辛溫無毒開心補五臟通九竅明耳目久服輕身不

東坡集卷三十一

贊

五

忘延年益心智高志不老注云生石磧上槪節者良生下濕地大根者乃是昌陽不可服韓退之進學解云訾醫師以昌陽引年欲進其稀苓不知退之卽以昌陽爲菖蒲耶抑謂其似是而非不可以引年也凡草木之生石上者必須微土以附其根如石韋石斛之類雖不待土然去其本處輒隨死惟石菖蒲并石取之濯去泥土漬以清水置盆中可數十年不枯雖不甚茂而節葉堅瘦根須連絡蒼然於几案間久而益可喜也其輕身延年之功旣非昌陽之所能及至於忍寒苦安澹泊與清泉白石爲伍不待泥土而生者亦豈昌陽之所能髣髴哉余游慈湖山中得數本以石盆養之

置舟中間以文石石英瓊瑤芬郁意甚愛焉顧恐陸行不能致也
乃以遺九江道士胡洞微使善視之余復過此將問其安否贊曰
清且泚惟石與水託於一器養非其地瘠而不死夫孰知其理不
如此何以輔五臟而堅髮齒

文助篆贊

世人篆字隸體不除如浙人語終老帶吳安國用筆意在隸前汲
冢魯壁用鼓秦山

小篆般若心經贊

草隸用世今于載少而習之手所安如舌於言無揀擇終日應對
東坡集卷二 贊

六

惟所問忽然使作大小篆如止行走值墻壁縱復學之能粗通操
筆欲下仰尋索譬如鸚鵡學人語所習則能否則默心存形聲與
點畫何暇復求字外意世人初不離世間而欲學出世間法舉足
動念皆塵垢而以俄頃作禪律禪律若可以作得所不作處安得
禪善哉李子小篆字其間無篆亦無隸心忘其手手忘筆筆自落
紙非我使正使忽忽不少暇倏忽千百初無難稽首般若多心經
請觀何處非般若

黃庭經贊 并敘

余既書黃庭內景以贈葆光道師而龍眠居士復爲作經相其前

而畫余二人像其後筆勢馮妙遂爲希世之寶嗟歎不足故復贊
之曰

太上虛皇出靈篇真庭真人舞胎仙髯蒼兩卿相後前耶妙依侍
清且妍十有二神服銳堅巍巍堂堂入中天問我何修果此緣是
心朝空夕了然恐非其人世莫傳殿以二士蒼鵠齋南隨道師歷
山澗山人迎笑喜我還問誰遣化老龍眠

僧伽贊

一作普照王贊

盲人有眼不自知忽然見日喜而舞非謂日月有在亡實目慶我
眼根在泗濱大士誰不見而有熟視不見者彼豈無眼業耶故以
知見者嘗希有若能便作希有見從此成佛如反掌傳摹世間千
萬億皆自大士法身出麻田供養東坡贊見者無數悉成佛

阿彌陀佛贊

蘇軾之妻王氏名閏之字季車年四十六元祐八年八月一日卒
于京師臨終之夕遺言捨所受用使其子邁道過爲畫阿彌陀像
紹聖元年六月九日像成奉安于金陵清涼寺贊曰

佛子在時百憂繞臨行一念何由了口誦南無阿彌陀如日出地
萬國曉何況自捨所受用書此圓滿天日表見聞隨喜悉成佛不
擇人天與蟲鳥但當常作平等觀本無憂樂與壽夭丈六全身不

爲大方寸于佛大豈小此心乎處是西方開眼便到無魔媿

藥師琉璃光佛贊

并引

佛弟子蘇籥與其妹德孫病久不愈其父過母范氏供奉祈禱藥師琉璃光佛遂獲痊損其大父軼特爲造畫尊像敬拜稽首爲之

贊曰

我佛出現時家生無煩惱世界悉琉璃大地皆藥草我今衆捍孺
仰佛如翁媪面願既圓乎風末亦除掃弟子籥與德前世衲衣老
敬造世尊像壽命仗佛保

傅大士贊

東坡集卷五

贊

六

善慧執轅南泉作舞借我門槌爲君打鼓

應慶觀音贊

稽首觀音宴坐寶石忽忽夢中應我空寂觀音不來我亦不往水
在盆中月在天上

觀音贊

并引

興國浴室院法真大師慧汶傳寶禪月大師貫休所畫十六大阿
羅漢左朝散郎集賢校理歐陽棐爲其女爲軼子婦者捨所服用
裝新之軼亦家藏慶州小孟畫觀世音捨爲中尊各作贊一首爲

十者追福滅罪

衆生墮入難身心俱喪失惟有一念在能呼觀世音火坑與刀山
猛獸諸毒藥衆苦萃一身呼者常不痛呼者若自痛則必不能呼
若其了不痛何用呼菩薩當自救痛者不煩觀音力衆生以二故
一身受衆苦若能真不二則是觀世音八萬四千人同時俱赴救

靜安縣君許氏繡觀音贊

太岳之喬邑于靜安學道求心妙湛自觀觀觀世音凜不違顏三
年之後心法自圓聞思修王如日現前心識其容口莫能言發於
六用以所能傳自手達鍼自鍼達線爲鍼幾何巧歷莫筭鍼若是
佛佛當千萬若其非佛此相曷緣孰融此二爲不二門拜手敬贊

東坡集卷二十一 贊

九

東坡老人

繡佛贊

凡作佛事各以所有富者以財壯者以力巧者以技辯者以言若
無所有各以其心見聞隨喜禮拜贊歎會未及彼一鍼之勞而其
獲報等無有二者復緣此得度成佛則此繡者乃是導師

興國寺浴室院六祖畫贊 并敘

予嘉祐初舉進士館於興國浴室老僧德香之院浴室之南有古
屋東西壁畫六祖像其東刻木爲樓閣堂宇以障之不見其全而
西壁三師皆神宇竚深中空外夷意非知是道者不能爲此畫其

上曰蜀僧令宗筆予初不聞宗名而家有僞蜀待詔印文播筆畫相似殆不可辨曰宗豈師播者耶已而問諸蜀父老曰文播漢州人第曰文曉而令宗其異父弟或曰其表弟也皆善畫山水人物竹石其品在黃筌句龍爽之間而文播之子仁慶尤長於花實羽毛蜀人趙昌所師者予去三十一年而中書舍人彭君器資亦館于是予徃見之則院中人無復識予者獨王僧惠汶蓋當時堂上侍者然亦老矣導予觀令宗畫則三祖依然尚在蔭翳間余與器資相顧太息汶曰嘻去是也何有乃徙置所謂樓閣堂宇者北向而出之六師相親如言如笑如以法相授都人聞之覲者日衆汶乃作欄楯以護之而器資請余爲贊之曰

東坡集卷三十一 贊

三

少林傑壁不以爲礙彌天同輩不以爲忝稽首六師昔晦今明不去不來何損何增俯仰屈信三十一年我雖日化其孰能遷之

題王靄畫如來出山相贊

頭鬢鬢耳草胡適從何處來碧色眼有角明星未出萬家閑外道天魔猶奏樂錯不錯安得無上菩提成正覺

東林第一代廣惠禪師真贊

忠臣不畏死故能立天下之大事勇士不顧生故能立天下之大名是人於道亦未也特以義重而身輕然猶所立如此而況於出

三界了萬法不生不老不病不死應物而無情者乎堂堂總公僧中之龍呼吸爲雲噫欠爲風且置是事聊觀其一戲蓋將拊掌談笑不起于坐而使廬山之下化爲梵釋龍天之宮

羅漢贊十六首

第一尊者

正坐歛音扼腕立拂問此大士爲言爲默默如雷霆言如墻壁非言非默首祖是式

第二尊者

旃檀非烟火亦無香是從何生俯仰在亡彈指贊歎善思念之是

東坡集卷二十一

三

一灶香是天人師

第三尊者

我觀西方度無量國諸佛陀耶在我掌握石顧瞻然汝則皆西隨我所印識道不迷

第四尊者

袖手不言跣趺終日兩昏雖舉六用皆寂寂不爲身動不爲人天作時兩山川出雲

第五尊者

掌中浮圖舍利所宅放大光明照十方剎櫝而藏之了無見聞衆

所發心與佛皆存

第六尊者

手中竹根所指如意云何不動無意可指食已宴坐便腹果然是
中空洞以受世間

第七尊者

凡書旁行俛首注視不知有經而況字義佛子云何飽食晝眠勤
苦功用諸佛亦然

第八尊者

衆生顛倒爲物所轉我轉是珠以一貫萬過現不住未則未來舉

東坡集卷二十一

三

珠示人孰爲輪迴

第九尊者

柏子庭際正覺妙慧悟最上乘了第一義爲大摩尼傳鷄足衣示
現虛寂端坐俛首

第十尊者

半肩磨衲爲誰緩頰彼以誠叩此緣問荅佛意元微有覺無爲肉
眼執着捧函捕龜

第十一尊者

幻體有累法身無着幻法兩忘圓明寥廓以大願力授諸有情見

聞悉入真妄一真

第十二尊者

長江皎潔可鑑毛髮師心水心一般奇絕目寓波中意若擾龍真
機掣電微妙元通

第十三尊者

默坐無說是名妙說月槃芹畝花開子結寶錫一枝中含真機悟
此機者處土泉飛

第十四尊者

攝衣趺趺觀此烟穗與我定香本無內外貝葉琅函三乘指南胡

東坡集卷二十一

二十三

人捧玄云誰啟緘

第十五尊者

何去何從叩應感通如響荅聲聲寂還空誰省誰擧皆有佛性去
爾嗔恚隨處清淨

第十六尊者

一般心眼兩般見解將入我礪烹煉沙汰廟然圓明超悟上乘示
現慈悲授諸有情

自海南歸過清遠峽寶林寺敬贊禪月所畫十八大阿羅漢

第一賓度羅跋囉墮尊者

白氈在膝貝多在巾目視超然忘經與人面顧百皺不受刀爾無
心掃除留此殘雪

第二迦諾迦代蹉尊者

耆年何老粲然復少我知其心佛不妄笑瞋喜雖幼笑則非瞋施
此無憂與無量人

第三迦諾迦跋梨隨闇尊者

揚眉注目拊膝橫拂問此大士爲言爲默默如雷霆言如墻壁非
言非默百祖是式

第四蘇頻陀尊者

東坡集卷二十一

二三四

聃耳屬肩綺眉覆觀佛在世時見此耆年開口誦經四十餘齒時
聞雷雹出一彈指

第五諾知羅尊者

善心爲男其室法喜背癢孰爬有木車子高下適當輕重得宜使
真童子能如茲乎

第六跋陁羅尊者

美狠惡婉自昔所聞不圓其輔有圓者存現六極相代衆生報使
諸佛子具佛相好

第七迦理迦尊者

佛子三毛髮者與須旣去一作去其二則有餘因以示衆物無兩遂旣得無生則無生死無世

第八代閻羅弗多尊者

兩眼方用兩手自寂用者注經寂者寄勝二法相忘亦不相指足四句偈在我指端

第九戒博迦尊者

一劫七日剎那三世何念之勤屈指默許屈者已往信者未然孰能住此屈伸之間

第十半託迦尊者

東坡集卷三

贊

三五

垂頭沒肩俛目注視不知有經而況字義佛子云何飲食晝眠勤苦功用諸佛亦然

第十一羅怛羅尊者

商門月滿瞳子電爛示和猛容作威喜觀龍象之姿魚鳥所驚以是幻身爲護法城

第十二那伽犀那尊者

以惡軀一作駭物如火自焚以信入佛如水自濕低着捧手爲誰爰

恭大一作尊師無德水火無功

第十三因揭陁尊者

左手特經右手引帶爲卷爲開是義安在已讀則卷未讀則開我無所疑其音如雷

唐畫羅漢贊

東坡居士告悟清師昔紹遠上人實持唐畫十六大阿羅漢如護
眼目遠上人亡今此羅漢在黃梅山常歡喜所子往爲我致問常
公求是畫當可得否若彼常公愛而不捨則不可得捨而不愛則
不可取不愛不捨則取以來旬有八日清師復命且以畫來居士
升堂普告大衆燒香作禮爲遠上人追福滅罪衆問居士是羅
漢有何勝相供養讚歎得何功德當以何等報酬常公居士言是
畫寔無勝相亦無功德彼與我者卽以報之乃作贊云

東坡集卷二十一 贊

七

五更粥熟

聞魚鼓起對孤燈與

誰語溪邊洗鉢月中歸還君羅漢君收取

水陸法像贊十六首 併引

蓋聞淨名之鉢屬鑿萬口寶積之蓋徧覆千方若知法界本造於
心則雖凡夫皆具此理在昔梁武皇帝始作水陸道場以十六名
畫三千界用徠而施博事約而理詳後生莫知隨世增廣若使一
二而悉數雖至千萬而靡周惟我蜀人頗存古法觀其像設猶有
典刑虔請於三時分上下者八位但能起一念於慈悲之上自
然撫四海於絕仰之間軾敬發願心具嚴繪事而大檀作張儆敦

禮樂聞其事其結勝緣請法雲寺法漏禪師善本差擇其徒修營
此會永爲無礙之施同守不刊之儀軾拜手稽首各爲之贊凡十
六首

上八位

一切常住佛陀耶衆

謂此爲佛是事理部謂此非佛是斷滅相事理既融斷滅亦空佛

自現前如日之中

一切常住達摩

以意爲根是謂法塵以佛爲體是謂法身風止浪靜非有別水放

爲江河匯爲沼沚

一切常住僧伽耶衆

佛既强各法亦非真神而明之存乎其人惟佛法僧非三非一如

雲出雨如水現日

一切常住大菩薩衆

神智無方解脫無礙以何因緣得大自在障盡願滿反于自然無

始以來亡者復存

一切常住大辟支迦衆

現無佛處爲第二乘如日入時膏火爲燈我說三乘如應病身敬

檀辟支卽大圓覺

一切常住大阿羅漢衆

天不可知山隨綫移小入無間澡身軍持我雖不能設此供知
一切人具此妙用

一切五通神仙衆

孰云飛仙高舉違世湛然神凝物不疵癘爲同爲異本目無同契
我無生長生之宗

一切護法龍神衆

外道壞法如刀截風壞者旣妄護者亦空倖茲龍神威而不怒示

東坡集卷三

贊

无

有四友佛之禦不侮

下八位

一切官僚史從衆

至難者君至憂者臣以衆生故現宰官身以難爲易以憂爲樂樂
兼萬人旣倍衆惡

一切天衆

苦極則修樂極則流禍福無窮糾纏相礙遂超欲色至非非想不
如一念眞發無上

一切阿修羅衆

正念淳想則爲飛行臺臺之差遂墮戰爭以此爲道亢胸隕首是
真作家當師子孔

一切人衆

地獄天宮同一念填涅槃生死同一法性抱寶號窮鑽冗索空今
夕何夕當選大雄

一切地獄衆

汝一念起業火熾然非人燔汝乃汝自燔觀法界性起滅電速知
惟心造是破地獄

一切餓鬼衆

東坡集卷二十七 贊

三

說食無味涎流妄職宜食無火中虛妄見美從妄生惡亦幻成如
幻卸離既飽且寧

一切畜生衆

欲人不知心則有負此念未成角尾已具集我道場一洗濯之盡
未來劫愧者勿爲

一切六道外者衆

陋劣之極蕩於眇冥胎卵濕化莫從而生聞吾法音騰起雷動如
夢覺人不復見夢

馬祖龐公真贊

南岳坐下一馬四蹄踏殺天下馬後復一老龐一口吸盡西江天
下是老師脚西江卽渠儂口不知誰踏誰殺何緣自吸自受曇秀作六
得偈述龐公事東坡讀
而首肯之爲書此贊

五祖山長老真贊

問道白雲端踏着自家底萬心八捧禪一月于江水路逢魔登伽
石上漫澆水赤土畫簸箕也有第一義誰言川藁直具相三十二

磨衲贊 并序

長老佛印大師了元遊京師天子問其名以高麗所貢磨衲賜之
客有見而歎曰嗚呼善哉未曾有也嘗試與子攝其齋衽循其鉤

東坡集卷三十一 贊

絡舉而振之則東盡嶠夷西及昧谷南放交趾北屬幽都紛然在
吾箴孔綫蹊之中矣佛即听然而笑曰甚矣子言之陋也吾以法
眼視之一一箴孔有無量世界滿中衆生所有毛竅所衣之衣箴
孔綫蹊悉爲世界如是展轉經八十反吾佛光明之所照與吾君
聖德之所被如以大海注一毛竅如以大地塞一箴孔曾何嶠夷
昧谷交趾幽都之足云乎當知此衲非大非小非短非長非重非
輕非薄非厚非色非空一切世間折膠墮指此衲不寒礫石流金
此衲不執五濁流浪此衲不垢劫火洞然此衲不壞云何以有思
惟心生下劣想於是蜀人蘇軾聞而贊之曰

匣而藏之見衲而不見師衣而不匣見師而不見衲惟師與衲非
一非兩眇而視之蠶蝨龍象

金山長老寶覺師真贊

望之儼然卽之也溫是惟寶覺大士之像因是識師是則非師因
師識道道亦如是

資福曰長老真贊

是是是是資福曰老子身如空我如雨無一事長歡喜東坡有老
居士見此真欲擬議未開口落第二有一語畧相似門如市心如
水

東坡集卷三

贊

三

淨因淨照臻老真贊

淨故能照爲照故淨亦如是身孰知其正四大是假此反爲真從
古聖賢所莫能分視彼如此凡賊皆子喜甲怒乙雖子猶賊人方
自我物固相物是故東坡卽此爲實

葆光法師真贊

嗟夫法師行年四十有四而不知牝牡之欲身居京邑而不營利
欲之私體無威容口無文詞頭如蓬蓽性如鹿麋意之所向雖金石莫
隔而鬼神莫逆此所以陟降大門睥睨帝所而終莫能疑者耶

東莞資福堂老栢再生贊

生石首肯茨松肘回是心苟直金石爲開堂去栢枯其留復生此栢無我誰爲枯榮方其枯時不枯者存一枯一榮皆方便門人皆不聞瓦礫說法今聞此栢熾然常說

湜長老眞贊

道與之貌天與之形雖同乎人而實無情彼眞清隱何殊丹青口照月明雷動風行夫孰非幻忽然而成此畫清隱可謁兩晴

海月辯公眞贊

并引

錢塘佛者之盛蓋甲天下道德才智之士與夫妄庸巧僞之人雜處其間號爲難齊故於僧職正副之外別補都僧正一員簿帳案

東坡集卷三

贊

三

牒奔走將迎之勞專責正副以下而都師總領要畧實以行解表衆而已然亦通號爲僧官故高舉遠引山栖絕俗之士不屑爲之惟清通端雅外涉世而中遺物者乃任其事蓋亦難矣余通守錢塘時海月大師惠辯者實在此位神宇澄穆不見愠喜而緇素悅服予固喜從之游時東南多事吏治少暇而余方年壯氣盛不安厥官每往見師清坐相對時聞一言則百憂冰解形神俱泰因悟莊周所言東郭順子之爲人人貌而天虛緣而葆眞清而容物物無道正容以悟之使人之意也涓益師之謂也歟一日師卧疾使

人請余入山適有所未暇旬餘乃往則師之化四日矣遺言須余

至乃闔棺跌坐如生頂尚溫也余在黃州夢至西門上有大殿榜曰彌勒下生而故人辯才海月之流皆行道其間師沒後二十一年余謫居惠州天竺淨惠師屬參寥子以書遺余曰檀越許與海月作真贊久不償此願何也余矍然而起爲說贊曰

人皆趨世出世者誰人皆遺世世誰爲之爰有大士處此兩間非濁非清非律非禪惟是海月都師之式庶復見之衆縛自脫我夢西湖天宮化城見兩天竺宛如平生雲披月滿遺象在此誰其贊之惟東坡子

辯才大師真贊

東坡集卷三

贊

三

余頃年嘗聞妙法於辯才老師今見其畫像乃以所聞者贊之卽之浮雲無窮去之明月皆同欲知明月所在在汝唾霧之中

參寥子真贊

東坡居士曰維參寥子身寒而道富辯於文而訥於口外廷柔而中健武與人無競而好刺譏朋友之過枯形灰心而喜爲感時玩物不能忘情之語此余所謂參寥子有不可曉者五也

無名和尚傳贊

道無分成佛無滅生如影外光孰在孰亡如井中空孰虛孰盈無名和尚蓋名無名

李伯時作老子新沐圖遺道士蹇拱辰趙郡蘇某見而贊之

一云子由作

老聃新沐踰髮于庭其心淡然若忘其形夫子與回見之而驚入而問之強使自名曰豈有已哉夫人皆然惟役於人而喪其天其人苟忘其天則全四肢百骸孰爲吾纏死生終始孰爲吾遷彼赫赫者將爲吾溫彼肅肅者將爲吾寒一溫一寒交而萬物生焉物皆賴之而況吾身乎溫爲吾和寒爲吾堅忽乎不知而更千萬年葆光志之夫非養生之根乎

清都謝道士真贊

東坡集卷二十一 贊

三

謝道士生丙子真一存長不死欲識清都面目一江春水東流滔滔直入滄海大至蓬萊頂頭

醴泉觀真靖崇教大師真贊

北方有神君出內岡與民被髮拊劔馭兩靈國之東南福其庭注然天醪涌其泠汰選妙士守籥扁翛然真靖有典刑脗間三出杳而清何必控鯉浮南溟

光道人真贊

字晏然

爲然皆忘其紙夫于與回見之而驚入

海口山顛犀顛鷄肩定眼水止秀脗月弦自一而兩至百億千卽

妄而真是真晏然

巖隱居陽行先重贊

道不二德不孤無人所有有人所無世之所爭者五天嗇其三而
界其二是以日計之不足歲計之有餘也

偈

送僧應託偈

蘇壽明巢穀僧應託與東坡居士皆僧人也會于黃岡將之廬山
作偈送之

一般口眼兩般腸肚認取鄉人聞早歸去

靈感觀音偈

并引

東坡集卷二十一

偈

三

或問居士佛無不在云何僧榮所常供養觀世音像獨稱靈感居
士答言譬如靜夜天清無雲我目無病未有舉頭而不見月今此
畫像方其畫時工所清淨又此僧榮方供養時秉心端嚴不入諸
相無有我人衆生壽者則觀世音廓然自現爾時居士作此言已
心開形解隨其所得而說偈言

夫物芸芸各升其英爲天蒼蒼爲日月星無在不在容光則明矧
我大士淵兮淨聖妙湛生光卽光爲形亭亭空中靡所倚憑眷此
幻身如鬼如氓生則圍物軒昂權衡地所不載而能空行滅則蕩
空附離四生不可控搏矧此亭亭滂淚請救搏頰頓纓如月下照

著心寒清不因脩爲得法跟淨碎身微塵莫報聖靈

無名和尚頌觀音偈

徐因饒州人

我觀諸佛及菩薩皆以六塵作佛事雖有妙智如觀音根性亦自
聞思復佛子流蕩無始劫未空言語文字性譬如多財石季倫知
財爲害不早放手揮金寶棄溝壑不如施與貧病者纍纍三百五
十珠持與觀音作纓絡

送壽聖聰長老偈

并敘

佛說作止任滅是謂四病如我所說亦是諸佛四病法門我今亦
作亦止亦任亦滅滅則無作作則無止止則無任任則無滅是四

東坡集卷二十一 偈

三

法門更相掃除火出木盡灰飛煙滅如佛所說不作不止不任不
滅是則滅病否卽任病如我所說亦作亦止亦任亦滅是則作病
否卽止病我與佛說旣同是法亦同是病昔維摩詰默然無語以
對文殊而舍利弗亦復默然以對天女此二人者何有差別我以
是知苟非其人道不虛行時長老聰師自筠來黃復歸於筠東坡
居士爲說偈言

珍重聖壽師聽我送行偈願聞諸有情不斷一切法人言眼睛上
一物不可住我謂如虛空何物住不得我亦非然我而不然彼義

然則兩皆然否則無然者

朱壽昌梁武懺贊偈

并敘

我觀世間諸得道者多因苦惱苦惱之極無所告訴則呼父母父母不聞仰而呼天天不能救則當歸命於佛世尊佛以大慈方便開示令知諸苦以愛爲本得愛則喜犯愛則怒失愛則悲傷愛則懼而此愛根何所從生展轉觀察愛盡苦滅得安樂處諸佛亦言愛別離苦父母離別其苦無量於離別中生離最苦有長大者曰朱壽昌生及七歲而母捨去長大懷思滄泣追求刺血寫經禮佛懺悔四十餘年乃見其母念報佛恩欲度衆苦觀諸教門切近周至莫如梁武所說懺悔文旣繁重旨亦淵秘一切衆生有不能了乃以韻語諸音律使一切人歌詠讚歎獲福無量時有居士蜀人蘇軾見聞隨喜而說偈曰

東坡集卷二十一

偈

天

長者失母常自念言母本生我我生母去有我無母不如無我譬以此身出生入死母若不見我亦隨盡在衆人中猶如狂人終日皇皇四十餘年乃見其母我初不記母之長短大小肥瘠云何一見便知是母母子天性自然冥契如磁石鍼不謀而合我未見母不求何獲旣見母已卽無所求諸子等歌詠懺文旣懺罪已當求佛道如我所說惟求母觀

嘻嘻呀呀三伏中草木生煙地生火遺君玉石是有八願君置之
白石盆注以碧蘆升中泉遺君肝肺涼如水熱惱既除心自定當
觀日相無去來終至折膠熱流金是我法身二呼吸寒人者冰熱
人人冰火初不自寒熱一切世間我四大畢竟誰爲寒熱者願以
法水浸摩尼當觀此百如瓦礫

地獄變相偈

我聞吳道子初作鄴都變都人懼罪業兩月罷屠宰此畫無實相
筆墨假合成譬如說食飽何從生怖汗乃知法界性一切惟心造
若人了此言地獄自破碎

東坡集卷二十一

偈

三九

十二時中偈

十二時中常切覺察遮箇是什麼十二月二十日自泗守席上回
忽然夢得箇消息乃作偈曰

百滾油鎗裏恣把心肝燥遮箇在其中不寒亦不熱似則是似是
而非是不唯遮箇不寒熱那箇也不寒熱咄甚叫做遮箇那箇

無相庵偈

出庵見庵入庵見圓問此圓相何所因起非土非木亦非虛空求
此圓相了不可得乃至無有無有亦無是中有相各大圓覺是佛

心也是諸魔種

送海印禪師偈

海印禪師紀公將赴峨眉往別大子少保趙公於三衢公以三詩贈行復柱道過某於齊安亦求一偈公以元臣大老功成而歸某以非才竊祿得罪而去禪師道眼了無分別迺知法界海惠照了萬殊大小從橫不相留礙直從巴峽逢僧宴道到東坡別紀公當時半破峨眉月還在平羌江水中請以此偈附于三詩之末

南屏激水偈

水激之高如所從來屈伸杓報盡而止止不先乎於以觀法

觀藏真畫布袋和尚像偈

東坡集卷五 偈

四

拄杖指天布袋着地掉却數珠好一覺睡

木峰偈

元豐七年臘月朔日東坡居士過臨淮謁普照王塔過襄師房觀所藏佛骨舍利捨山木一峰供養乃說偈言

杌然無根生意永斷劫火洞然爲君作炭

寒熱偈

今歲大熱八十餘日物我同病是熱非虛方其熱時謂不復涼及其既涼熱復安在凡此寒熱更相顯見熱既無有涼從何立令我又復認此爲涼後日更涼此還是熱畢竟寒熱爲無爲有如此分

別皆是衆生客塵浮想以此爲達無有是處使謂爲逃則又不可
如火燒木從木成炭從炭成灰爲灰不巳了無一物當以此偈更
問子由僕在黃州戲書爲江夏李樂道持去後七年復相見京師
出此書茫然如夢中語也元祐戊辰六年三月三日

佛心鑑偈

軼第三子過菩薩銅鑑圓徑數寸光明洞澈元豐八年十一月二
日游登州延洪禪院僧文泰方造釋迦文像乃捨爲佛心鑑且
說偈云

鑿中面像熱時炎無我無造無受者心花發明照十方還度如是

東坡集卷二十一

偈

四

常法衆

戲荅佛印偈

百千燈作一燈光盡是恒沙妙法王是故東坡不敢惜借君四大
作禪床

養生偈

閑邪存誠練氣養精一存一明一練一清清明乃極丹元乃生坎
離乃交梨棗乃成中夜危坐服此四藥一藥一至到極則處幾費
千息閑之廓然存之卓然養之郁然煉之赫然守之以一成之以
入功在一日何遲之有

易曰閑邪存其誠詳味此字知邪中有誠無非邪者閑亦邪也
至於無所閑乃見其誠者幻滅乃滅故非幻不滅

王晉卿前生圖偈

王晉卿得破墨三昧又嘗聞祖師第一義故畫刑和璞房次律論
前生圖以寄其高趣東坡居士既作破琴詩記夢異矣復說偈言
前夢後夢真是一此幻彼幻非有二正好長松水石間更憶前身
後身事

東坡居士過龍光求大竹作肩輿得兩竿時南華珪首座方
受請爲此山長老乃留一偈院中須其至授之以爲他時語

東坡集卷三十一

偈

三十一

錄中第一問

砍得龍光竹兩竿持歸嶺北萬人看竹中一點曹溪水漲起西江
十八灘

南華長老罷示四頌事忙只還一偈

宿業相纏四十年常行八棒十三禪今着衲衣歸玉局可憐化作

五通仙

東坡集卷之二十二

表

眉山蘇軾東坡氏著

密州謝上表

臣軾言昨奉勅差知密州軍州事已於今月三日到任上訖草芥賤微敢干洪造乾坤廣大曲遂私誠受命撫躬已自知於不稱入境問俗又復過於所期臣軾

中謝

伏念臣家世至寒性資甚下學

雖篤志本先朝進士篆刻之文論不適時皆老生常談陳腐之說分於聖世處以散材一升離去闕庭屢更歲籥塵埃筆硯漸忘舊學之淵源奔走簿書粗識小人之情僞欲自試於民社庶有助於

東坡集卷之三 表

一

涓埃以爲公朝不廢私願攜琴上國預憂桂玉之不充請郡東方實欲弟昆之相近白惟何幸動獲所求雖父兄所以處臣其僥倖不過如此雖云疎外有此遭逢此蓋伏遇皇帝陛下躬上聖之資建太平之業以爲人無賢愚皆有可用故雖如臣等輩猶未盡捐臣敢不仰仰至恩益堅素守推廣中和之政撫綏疲瘵之民要使民之安臣則爲臣之報國臣無任瞻天荷聖激切屏營之至

徐州謝上表

臣軾言分符高密已竊名邦改命東徐復塵督府荷恩深厚撫已

兢兢臣軾中謝伏念臣奮身農畝託迹書林信道直前曾無坎井

之避立朝寡助誰爲先後之容向者屢獻警言仰塵聖鑒豈有意於爲異蓋篤信其所聞顧慙迂闊之言雖多而無益惟有朴忠之素旣久而猶堅遠不忘君未忍改其常度言之無罪實深恃於至仁知臣者謂臣愛君不知臣者謂臣多事空懷此意誰復見明伏惟皇帝陛下日月照臨乾坤覆燾察孤危之易毀諒拙直之無他安全陋軀畀付善地民淳訟簡殊無施設之方食足身閑仰愧生成之賜願力報之無所懷孤忠而自憐

徐州謝獎諭表

臣軾言伏奉今月四日勅以臣去歲修城捍水粗免疎虞特賜獎

東坡集卷二十一表

二

諭者奔走服勤人臣之常事褒稱勞勉學者之至榮自惟何人乃辱斯語臣軾誠惶誠恐稽首頓首伏念臣學無師法才與世疎經術旣已不深更事又其所短累忝優寄卒無異稱寬如定遠之言平平無取拙比道州之政下下宜然乃者河決澶淵毒流淮泗百堵皆作蓋僚吏之劬勞三板不沈本朝廷之威德而臣下掠衆美上貪天功獨竊璽書之榮以爲私室之寶此蓋伏遇皇帝陛下天下覆四海子養萬民哀無辜之遭罹特遣使以存問旣蠲免其賦調又飲食具飢寒所以錄臣之微勞蓋將責臣之來效臣敢不躬親畚築益脩今歲之防安集流亡盡復平時之業庶殫朽鈍少補絲

毫臣無任

徐州賀河平表

臣賦言竊聞黃河決口已遂閉塞者聖謨獨運天眷莫違庶邦子來民罔告病萬杵雷動役不逾時遂消東北莫大之憂然後麥禾可得而食人無後患喜若再生臣賦

中謝

伏以大河爲災歷世所

病禹治兗州之野十有三載乃同漢築宣防之宮二十餘年而定未有收狂瀾於既潰復故道於將堙俛仰而成神速若此恭惟皇帝陛下至仁博施神智無方達四聰以來衆言廣大孝以安宗廟水當潤下河不溢流屬歲久之無虞故患生於所忽方其決也本

東坡集卷三

表

三

更失其防而非天意及其復也蓋天助有德而非人功振古所無溥天同慶維豐沛之大澤實汴泗之所鍾伊昔橫流粟孤城之若塊迨茲平定蔚秋稼以如雲害既廣則利多憂獨深而喜倍雖官守有限不獲趨外庭以稱觴而民意所同亦能抒下情而作頌臣無任

湖州謝上表

臣賦言蒙恩就移前件差遣已於今月二十日到任上訖者風俗阜安在東南號爲無事山水清遠本朝廷所以優賢顧惟何人亦與茲選臣賦

中謝

伏念臣性資頑鄙名迹堙微議論澗疎文學淺

陋凡人必有一得而臣獨無寸長荷先帝之誤恩擢實三館蒙陛下之過聽付以兩州非不欲痛自激昂少酬恩造而才分所局有過無功法令具存雖勤何補罪固多矣臣猶知之夫何越次之名邦更許借資而顯受顧惟無狀豈不知恩此蓋伏遇皇帝陛下天覆羣生海涵萬族用人不求其備嘉善而矜不能知其愚不適時難以追陪新進察其老不生事或能牧養小民而臣項在錢塘樂其風士魚鳥之性既自得於江湖吳越之人亦安臣之教令敢不奉法勤職息訟平刑上以廣朝廷之仁下以慰父老之望臣無任

到黃州謝表

東坡集卷三十一 表

四

臣軾言去歲十二月二十九日準勅責授臣檢校尚書水部員外郎充黃州團練副使本州安置不得僉書公事臣已於今月一日到本所訖者狂愚冒犯固有常刑仁聖矜憐特從輕典赦其必死許以自新祇服訓辭惟知感涕

中謝

伏念臣早緣科第誤忝縉紳

親逢睿哲之興遂有功名之意亦嘗召對便殿考其所學之言試守三州觀其所行之實而臣用意過當日趨於逃賦命衰窮天奪其魄叛逆義理辜負恩私茫如醉夢之中不知言語之出雖至仁屢赦而衆議不容案罪責情固宜伏斧鑕於兩觀推恩屈法猶當禦魑魅於三危豈謂尚玷散員更叨善地投畀麀麀之野保全樗

櫟之生臣雖至愚豈不知幸此蓋伏遇皇帝陛下德刑並用善惡
兼容欲使法行而知恩是用小懲而大誡天地能覆載之而不能
容之於度外父母能生育之而不能出之於死中伏惟此恩何以
爲報惟當蔬食沒齒杜門思愆深悟積年之非永爲多士之戒貪
戀聖世不敢役身庶幾餘生未爲棄物若獲盡力鞭筆之下必將
捐軀矢石之間指天誓心有死無易臣無任

謝徐州失覺察妖賊放罪表

臣軾言去年十二月十五日准淮南轉運司牒奉聖旨差官取勘
臣前任知徐州日不覺察百姓李鐸郭進等謀反事臣尋具析在

東坡集卷五 表

五

任日曾選差沂州百姓程棐令緝捕凶逆賊人致棐告獲前件妖
賊因依乞勘會施行至今年七月二日復准轉運司牒坐准尚書
刑部牒奉聖旨蘇軾送尚書刑部更不取勘盜發所臨守臣固當
重責罪疑則赦聖主所以廣恩自驚廢逐之餘猶在愍憐之數臣
軾誠惶誠恐頓首頓首伏念臣早蒙殊遇擢領大邦上不能以道
化民達忠孝於所部下不能以刑齊物消奸宄於未萌致使妄庸
敢圖僭逆原其不職夫豈勝誅况茲溝瀆之中重遇雷霆之譴無
官可削撫已知危至於捕斬羣盜之功乃是鄰近一夫之力靖言

其始偶出於臣雖爲國督奸常懷此志而因人成事豈足言勞勉

自效於涓埃庶少寬於斧鉞豈謂蕩然之澤許以勿推收驚魄於
散亡假餘生之晷刻退思所自爲幸何多此蓋伏遇皇帝陛下舞
虞舜之于示人不殺祝成湯之網與物求生其間用刑本不得已
稍有所赦無不從寬務在考實而原情何嘗記過而忘善益悟向
時之所坐皆是微臣之自貽感愧終身論報無地布衣蔬食或未
死於飢寒石心木腸誓不忘於忠義臣無任

謝量移汝州表

臣軾言伏奉正月二十五日詔命特授臣汝州團練副使本州安
置不得僉書公事者稍從內遷示不終棄罪已甘於萬死恩實出

東坡集卷二十二表

六

於再生祇服訓詞惟知感涕臣軾誠惶誠恐頓首頓首伏念臣向
者名過其實食浮於人兄弟並竊於賢科衣冠或以爲盛事旋從
冊府出領郡符旣無片善可紀於絲毫而以重罪當膏於斧鉞雖
蒙恩貸有愧平生隻影自憐命寄江湖之上驚魂未定夢遊繯繼
之中憔悴非人章狂矢志妻孥之所竊笑親友至於絕交疾病連
年人皆相傳爲已死飢寒併日臣亦自厭其餘生豈謂草芥之賤
微尚煩朝廷之紀錄開其恫悔許以甄收此蓋伏遇皇帝陛下湯
德日新堯仁天覆建原廟以安祖考正六宮而修典刑百廢具興
多士爰集彈冠結綬共欣千載之逢掩面向隅不忍一夫之泣故

推涓滴以及雋枯顧惟效死之無門殺身何益更欲呼天而自刎尚口乃窮徒有此心期於異日臣無任

乞常州居住表

臣賦言臣聞聖人之行法也如雷霆之震草木威怒雖甚而歸於欲其生人主之罪人也如父母之譴子孫鞭撻雖嚴而不忍致之死臣漂流棄物枯槁餘生泣血書詞呼天請命願回日月之照一明葵藿之心此言朝聞夕死無憾臣賦誠惶誠恐頓首頓首臣昔者嘗對便殿親聞德音似蒙聖知不在人後而狂狷妄發上負恩私既有司皆以爲可誅雖明主不得而獨赦一從吏議坐廢五年

東坡集卷二十二

七

積憂熏心驚齒髮之先變抱恨刺骨傷皮肉之僅存近者蒙恩量移汝州伏讀訓詞有人材實難弗忍終棄之語豈獨知免於縲紲亦將有望於桑榆但未死亡終見天日豈敢復以遲暮爲歎更生僥覲之心但以祿廩久空衣食不繼累重道遠不免舟行自離黃州風濤驚恐舉家重病一子喪亡今雖已至泗州而資用罄竭去汝尚遠難於陸行無屋可居無田可食二十餘口不知所歸飢寒之憂近在朝夕與其強顏忍恥干求於衆人不若歸命投誠控告於君父臣有薄田在常州宜興縣粗給餽粥欲望聖慈許於常州居住又恐罪戾至重未可聽從便安輒敘微勞庶蒙恩貸臣先任

徐州日以河水浸城幾至淪陷臣日夜守捍偶獲安全曾蒙朝廷
降勅褒諭又嘗選用沂州百姓程棊令購捕凶黨致獲謀反妖賊
李鐸郭進等一十七人亦蒙聖恩保明放罪皆臣子之常分無消
埃之可言冒昧自陳出於窮迫庶幾因緣僥倖功過相除稍出羈
囚得從所便垂念臣受性剛褊賦命奇窮既獲罪於天又無助於
下怨仇交積罪惡橫生羣言或起於愛憎孤忠遂陷於疑似中雖
無愧不敢自明向非人主獨賜保全則臣之微生豈有今日伏惟
皇帝陛下聖神天縱文武生知得天下之英才已全三樂躋斯民
於仁壽不棄一夫勃然中興可謂盡善而臣抱百年之永嘆悼一
飽之無時貧病交攻死生莫保雖鳧雁飛集何足許於江湖而犬
馬葢帷猶有求於君父敢祈仁聖少賜矜憐臣見一面前去至南
京以來聽候朝旨于冒天威臣無任

到常州謝表二首

臣賦性先蒙恩授汝州團練副使本州安置尋上表乞於常州居
住奉聖旨依所乞臣已於今月二十二日到常州訖者積疊難磨
未經洗滌至仁易感許卽便安祇荷寵靈惟知感涕中謝伏念臣

所犯罪戾本合誅夷向非先帝之至明豈有餘生於今日荷恩未
報有志不從已分沒身寄殘骸於甕甍敢期擇地收暮景於桑榆

此蓋伏遇皇帝陛下仁孝生知聰明天縱寅奉上帝之眷命述修
內聖之成謀念此菅蒯之微庶幾簪履之舊俾安田畝稍出纒囚
飽食無思但日陶於新化杜門自省當益念於往愆臣無任

二

臣軾言先蒙恩授汝州團練副使本州安置尋上表乞於常州居
住奉聖旨依所乞臣已於今月二十二日到常州訖者罪大人微
自甘永棄食貧口衆未免求安忽奉俞音出於獨斷仰銜恩施不
覺涕零中謝伏念臣猥以凡材早塵仕籍生逢有作之聖獨抱不
稔之愚廢棄六年已忘形於田野泝沿萬里偶脫命於江潭豈謂

東坡集卷二十二表

九

此生得從所便此蓋伏遇太皇太后陛下厚德載物至仁代天春
生秋成本無心於草木風行雷動自有信於蟲魚致此幽頑亦叨
恩宥耕田鑿井得漸齒於平民碎首刳肝尚未知其死所臣無任
登州謝上表二首

臣軾言伏奉告命授臣朝奉郎知登州軍州事臣已於今月十五
日到任上訖者登雖小郡地號極邊自驚纒纒之餘忽有民社之
寄拜恩不次隕涕何言中謝臣聞臣不密則失身而臣無周身之

智人不可以無學而臣有不學之愚積此兩愆本當萬死坐受六
年之謫甘如五鼎之珍擊鼓登聞止求自便買田陽羨誓畢此生

豈期枯朽之中有此遭逢之異收召魂魄復爲平人洗濯瑕玼盡
還舊物此蓋伏遇皇帝陛下內行曾閔之孝外發禹湯之仁日將
旦而四海明天方春而萬物作於其黨而觀過謂臣或出於愛君
就所短而求長知臣稍習于治郡致茲異寵驟及非才恭惟先帝
全臣於衆怒必死之中陛下起臣於散官永棄之地沒身難報碎
首爲期臣無任

二

臣軾言伏奉告命授臣朝奉郎知登州軍州事臣已於今月十五
日到任上訖者寵命過優訓詞尤厚非臣愚忝所克承當臣軾誠

東坡集卷三十一

表

十

惶誠恐頓首頓首臣所領州下臨漲海人淳事簡地瘠民貧入境
問農首見父老載白扶杖爭來馬前皆云枯朽之餘死亡無日雖
在田野亦有識知恭聞聖母至明而慈嗣皇至仁而孝每下號令
人皆涕流願忍垂死之年以待維新之政言雖甚拙意則可知見
朝廷擢臣於久廢之中謂臣愚必有以少塞其責或能推廣上意
惠康小民而臣天資鈍頑學問寡淺心已耗於多難才不周其一
身將何以上荅聖知下慰民願伏惟太皇太后陛下以任嬖之位
行堯舜之仁勤邦儉家永爲百王之令典時使薄歛故得萬國之
歡心豈煩燭火之微更動日月之照但知奉法不敢求名臣無任

辭免起居舍人狀二首

右軾准閣門告報已降告命除臣依前官守起居舍人者臣受材
淺薄臨事迂疎起於罪廢之中未有絲毫之效驟陞清職必致煩
言願回虛授之恩庶免素餐之愧所有告身不敢祇受

二

右臣近奉乞辭免起居舍人恩命准尚書省劄子奉聖旨不許辭
免者天威在顏不違咫尺父命於子惟所東西況茲久廢之餘敢
有不回之意伏念臣受性褊狷賦命奇窮既早竊於賢科復濫登
於冊府多取天下之公器又處衆人之所爭若此而全從來未有
今者出於九死之地始有再生之心危迹粗安驚魂未返若驟應
非分之寵恐別生意外之憂縱無人災必有鬼責伏望聖慈廓天
地包函之量推父母愛憐之心知其實出於至誠止欲自處於無
過追還新命更選異材使之識分以安身孰與包羞而冒寵再伸
微懇伏俟重誅所有告身臣不敢祇受

辭免中書舍人狀

右臣准閣門告報已降告命除臣軾中書舍人者伏念臣頃自貶
所起知登州到州五日而召以省郎到省半月而擢爲右史欲自
勉強少酌恩私而才無他長職有常守出入禁闥三月有餘考論

事功一毫無取今又冒榮直投蹤眾驟遷非次之陞既難以處不
試而用尤非所安願回異恩免速宮謗所有告身臣不敢祇受

謝中書舍人表二首

臣獻言伏奉制命授臣試中書舍人仍改賜章服者右史記言已
塵高選西垣視草復玷近班皆儒者之至榮豈平生之所望臣軼
誠感誠懼頓首頓首竊以詞命之職古今所難非獨取之於文蓋
將試之以事至於機務亦或與聞雖四戶擅權非當時之公議而
五花判事亦前代之美談及夫三字之除乃是一切之政但謂內
朝之法從安知宰相之屬官既任止於訓詞故權移於胥史恬不

東坡集卷三二表

三二

知怪習爲故常先皇帝道冠百王法垂萬世建六官而修故事闢
三省以待異人典章一新名實皆正遂申明於四禁俾分領於六
曹遠則追直閣之司近則通檢正之任雖未聞政而聞事蓋須有
德而有言如臣之愚無一而可草創潤色旣非鄭國之材除青德
音又乏唐人之譽忽當此選莫測其由此蓋伏過皇帝陛下將聖
與仁能哲而惠雖在三年不言之際已有十日竝照之光而臣日
侍邇英親聞訪道仰天威之甚近知聖鑒之難逃謂臣嘗受先朝
之知實無左右之助棄瑕往昔貢效將來臣敢不益勵素心無忘
舊學上體周公煩悉之誥助成漢家深厚之文苟無曠官其敢言

報臣無任

一

臣軾言伏奉制命授臣試中書舍人仍改賜童服者聖神獨斷出成命於省中衰病增光溢虛名於朝右訓詞之重士論所榮臣軾誠感誠懼頓首頓首臣聞有言逆心此古人所以顛沛積毀消骨非聖主莫能保全臣本受知於裕陵亦嘗見待以國士嘉其好直許以能文雖竄謫流離之餘決無可用而哀憐收拾之意終不少衰抱弓劍以長號分簪履之永棄豈期晚遇又過初心矧外制之深嚴極西垣之清要在唐之盛以馬周岑文本爲得人近世所傳

東坡集卷三十一表

三

有楊億歐陽修之故事不試而用干今幾人遂超同列之先遠繼前修之末夫何頑鈍有此遭逢此蓋伏遇太皇太后陛下憂國忘家愛民如子憂深故任其事者重愛極故爲之慮也長敷求哲人以遺嗣聖所以兼收而益用庶幾有得於其間臣敢不盡其所能期於無愧始終自誓故常以道而事君夷嶮不同則必見危而授命臣無任

辭免翰林學士狀二首

右臣准閣門告報已降告命除臣翰林學士知制誥者臣竊謂自從西掖直遷內制雖祖宗故事而近歲以來少有此比非高材重

德雅望不在此選臣自量三者皆不道人驟當殊擢實不自安伏望聖慈察臣至誠非苟辭避追還異恩以厭公論謹錄奏

二

右臣近者奏乞辭免翰林學士知制誥恩命伏蒙降詔不允者天地之恩義無所謝父母之訓理不可違而臣至愚尚守所見再傾微懇不避重誅非獨以學問荒唐文詞鄙淺已試無效如前所陳實以勞舊尚多必有積薪之誚兄弟僉進豈無連茹之嫌誠不自安非敢矯飾伏望聖慈亮其悃悞特許追還庶免人言俾得自效所有告命臣不敢祇受謹錄奏聞

東坡集卷三

表

十四

謝宣召入院狀二首

右臣今日西頭供奉官充待詔董士隆至臣所居奉宣聖旨召臣入院充學士者詔語春溫再命而僕使華天降一節以趨在故事以嘗聞豈平生之敢望省循非稱愧汗交深竊以視草之官自唐爲盛雖職親事祕號爲北門學士之榮而祿薄地寒至有京兆掾曹之請豈如聖代一振儒風非徒好爵之糜兼享大烹之養玉堂賜篆仰淳化之彌文寶帶重金佩元豐之新渥既厚其禮愈難其人而臣以空疎冗散之材衰病流離之後生還萬里坐閱三遷不緣左右之容躡處賢豪之上此蓋伏遇皇帝陛下生資文武天

昨聖神雖亮陰不言尚隱高宗之德而訪落求助已啓成王之心
首擇輔臣次求法從知人材之難得采虛名而用臣敢不益勵初
心力圖後効才不逮古雖慙內相之名志常在民庶免私人之誚
臣無任

二

右臣今日日西頭供奉官充待詔董士隆至臣所居奉宣聖旨召
臣入院充學士者里巷傳呼親臨詔使私庭望拜恭被德音人言
稽古之榮臣有素餐之愧懇詞雖至成命莫回伏以朝論所高禁林
爲重非徒翰墨之選乃是將相之儲禮絕同僚歎裴李於座上功
成異域得頗牧於禁中宜有異人來膺此選而臣顛愚自信狂直
不回先帝憐其孤忠欲召而未果陛下出於獨斷決用而無疑會
未周歲而闕三官試以百爲而無一可保全已幸擢用何名此蓋
伏遇太皇太后陛下德協天人心存社稷受聖子之託天下抱神
孫而朝諸侯巍巍其有成功不見治迹斷斷而無他技專用老成
推其類以及臣顧何能而在此忠義之報死生不移臣無任

謝翰林學士表二首

臣軾言蒙恩除臣翰林學士知制誥者各微不稱寵至若驚伏念
臣經術空疎吏能短淺少年自守無用於作新去國生還適逢於

求舊初何云補遽辱甄收此蓋伏過皇帝陛下文武生知聰明天
縱法乾坤之廣運體日月之照徹過採虛名使陳薄技敢不激昂
晚節砥礪初心雖洪造之難酌盡微生而後已臣無任

臣軾言蒙恩除臣翰林學士知制誥者寵光逾分榮愧交中伏念
臣本以疎愚起於遐陋學雖篤志背塲屋之空文言不適時豈朝
廷之通論老於憂患望絕縉紳此蓋伏遇太皇太后陛下總覽政
綱灼知治體恢復祖宗之舊兼收文武之資過錄愚忠以敦薄俗
敢不臨寵而懼職思其憂非敢有意於功名庶幾少逃於罪悔臣
無任

東坡集卷二十一

表

表

謝對衣金帶馬表二首

臣軾言伏蒙聖慈以臣入院特賜衣一對金腰帶一條金鍍銀鞍
轡馬一疋被三品之服章君子所以昭令德分六閑之駟駿朝廷
所以旌有功顧惟何人亦與茲龍拜恩俯僂流汗交拜臣軾

中謝

伏念臣人微地寒性迂才短襲布韋而自薦偶忝縉紳駕款段以
言歸終安猷猷豈謂便蕃之錫萃於衰病之軀此蓋伏遇皇帝陛
下總覽衆工財成大化至誠樂與有縉衣之好賢俊民用章無白
駒於空谷不違寒陋亦被光華攬佩以思遂識斷金之義舉鞭自

誓敢忘希驥之心臣無任

臣軾言伏蒙聖慈以臣入院特賜衣一對金腰帶一條金鍍銀鞍

轡馬一疋命服出笥榮動指紳左驂在矜光生徒馭德不稱物愧

無所容臣軾中謝伏念臣衰朽無功蠢愚不學已分鷓梁之刺敢

逃負乘之譏再惟此恩何自而至此蓋伏遇太皇太后陛下至神

廣運盛德兼容躬周公之勤勞而逸於委任實老氏之慈儉而後

於禮賢致此光榮下及微陋慨然攬轡敢有意於澄清東以立朝

尚可言於賓容臣無任

東坡集卷二十一 表

芻記三首

禁林之選多士所榮非獨文章之工俾專翰墨當屬典刑之老以

重朝廷如臣空疎豈宜塵冒此蓋伏遇皇帝陛下剛健純粹緝熙

光明曲搜已棄之材將建無窮之業顧慙淺陋將何補於盛明惟

有朴忠誓不同於生死臣無任

西掖代言已愧一時之高選北門視草又忝諸生之極榮豈伊衰

朽之餘有此遭逢之異此蓋伏遇太皇太后陛下坤元利正天造

無私靡求備於一人將曲成於萬物文章小技縱有效於涓埃草

木微生終難耐於雨露臣無任

辭免侍讀狀

右臣今月二十六日准閣門告報蒙恩除臣兼侍讀者入侍邇英其選至重非獨分摘章句實以仰備顧問臣學術淺陋恐非其人況臣待罪禁林初無吏責又加廩賜之厚益負尸素之憂伏望聖慈察其誠心追回新命以授能者謹錄奏聞伏候勅旨

謝除侍讀表二首

臣軾言余月一日蒙恩除臣兼侍讀者學術本疎老復加於謇謏官聯愈近職專在於討論退省其愚莫知所措

中謝

伏以天威咫尺

東坡集卷二十二表

六

尺願末技以何施聖敬日躋豈羣臣之可望非張禹寬中之篤學寂量懷素之懿文則何以奉天子五學之游求王人多聞之益如臣愚暗何與選掄此益伏過皇帝陛下卓然生知附以好學方高宗恭默之後正宣帝勵精之初衆論僉陳悉洞照其情僞陳編一覽已周知於廢興察臣衰病而無求庶可親近而寡過故茲拔用驟及疲鴛臣敢不温故知新粗辦有司之職見危致命更輸異日之忠臣無任

二

臣軾言今月一日蒙恩除臣兼侍讀者北門視草已叨儒者之極

榮西學上賢復玷侍臣之高選省循非稱愧汗交懷中謝竊惟講

讀之臣止以言語爲職考功課吏無殿最之可書陳善閉邪有膏澤之潛潤豈臣愚陋亦所克堪此蓋伏遇太皇太后陛下憂思深長德業久大受先帝投艱之託爲神孫經遠之謀故選左右前後之人罔非吉士使知興亡治亂之效莫若多聞謂臣雖無大過入之才知臣粗有不欺君之實故使朝夕與於討論奉永日之清閒未知所報畢微生於盡粹終致此心臣無任

謝賜御書詩表

臣軾言今月十五日賜宴東宮伏蒙聖恩差中使就賜臣御書詩

東坡集卷三十一

表

十九

一首者玉笋金尊需若雲天之澤寶章宸翰煥乎奎壁之文喜溢心顏光生懷袖臣軾誠感誠懼頓首頓首伏念臣猥緣末技獲玷清流早歲數竒已老江湖之上餘生何幸得依日月之光入侍燕閒與聞講學卒桓榮之業因人而成登劉洎之牀則臣豈敢天何珍賜亦及微軀此蓋伏遇皇帝陛下道本生知才惟天縱文不數於游夏書已逼於鍾王心慕手追陋文皇之由學筆縱字大笑宋武之未工知臣遭遇之難欲以顯榮其老鏤之金石庶傳玩於人付與子孫俾輸忠於世世臣無任

謝三伏早出院表

臣軾言君逸臣勞固上下之分金伏火見亦消長之常乃緣異恩而許風退中謝伏念臣等誤緣末技待罪禁林戴星而朝雖粗輸其勤拙窮日之力卒無補於絲毫遽蒙假借之私得遂委蛇之樂此蓋伏遇太皇太后陛下嚴於恭己恕以馭臣事既省於清心口自長於化國朝而不夕前追靜治之風伏當早歸下遂疎愚之性臣無任

謝除龍圖閣學士表二首

臣軾言伏蒙聖恩以臣累章請郡特除臣龍圖閣學士知杭州者中禁寶儲上應奎璧之象先朝謨訓遠同河洛之符隸職其間省

東坡集卷三十一 表

三

躬非據臣軾誠惶誠恐頓首頓首伏念臣學非有得愚至不稔雖叨過實之名卒無適用之器少時妄意蓋嘗有志於事功晚歲積憂但欲歸安於田畝屬聖神之履運荷識拔之非常猶冀桑榆之收遽迫犬馬之疾力求閒散庶免顛擠豈謂皇帝陛下聖度包荒大慈委照察其才有所短不欲強置之禁嚴知其進不由人故特保全其終始遂加此職以責其行臣敢不仰緣末光益勵素守往何適而不可中無愧之爲安但未死亡必期報塞臣無任感天荷聖激切屏營之至

臣軾言伏蒙聖恩以臣累章請郡特除臣龍圖閣學士知杭州者
比屏清密久愧素餐內閣深嚴後膺殊寵以榮爲懼有覩在顏臣
軾誠惶誠恐頓首頓首伏念臣賦命數奇與人多忤遭遇仁祖忝
竊賢科繼蒙英廟之深知尤荷裕陵之見器而流離若此窮薄可
知晚親日月之光常恐餅壘之淪故求閑散以避災屯豈謂太皇
太后陛下天高聽卑坤厚載物愛惜臣下固無異於子孫委任官
師本不分於中外致茲衰病不失常華然臣辭寵而益榮求閑而
得劇雖云稍遠於爭地尙恐終非其久安敢不磨鈍自修履水知
戒庶全孤節少荅殊私臣無任

東坡集卷三十一 表

三

謝賜對衣金帶馬表二首

臣軾言伏蒙聖慈特賜對衣一對金腰帶一條金鍍銀鞍轡一副馬
一匹者出笥之環已華朽質解驗之賜益耀衆觀顧惟何人亦被
茲寵臣軾誠惶誠恐頓首頓首伏念臣少而拙訥老益疎愚山野
之姿非文繡之所及疲驚之質雖鞭策以何加方祈冗散之安更
忝便蕃之錫此蓋伏遇皇帝陛下緝熙儒術罔羅人材不愛重服
寵數之意使爲吏民 之美據鞍有愧束衽知榮敢不奉以牧
民永思去害之措施之大邑庶無學製之傷臣無任

臣軾言伏蒙聖恩特賜衣一對金腰帶一條金鍍銀鞍轡一副馬一匹者者命斯皇詩詠周宣之德康侯用錫易稱王母之仁惠澤所加臣工知勸臣軾誠惶誠恐頓首頓首伏念臣資材朽鈍學術空疎矧茲衰病之餘豈復光華之表荷寵章之蕃庶人以爲榮顧形影之支離臣惟自愧此蓋伏遇太皇太后陛下知人堯誓徧物舜仁時遣拾遺補過之臣出爲承流宣化之任子衣安吉不待請而得之我馬虺隤蓋知勞而賜者敢不勉思蓋務報恩勤永惟廩庫之珍莫非民力無忘獄市之寄以副上心臣無任

笏記二首

東坡集卷三十一 表

三

臣軾言隸職宸居承流閭寄自知衰朽有玷寵光此蓋伏遇皇帝陛下總攬羣材靡遺片善曲收頑鈍俾處清華徒傾草木之心莫報乾坤之施臣無任

二

既塵美職復玷名藩榮寵過情省循知愧此蓋伏遇太皇太后陛下仁均動植明燭幽微特示寵章以旌眷遇恩勤莫報生死難忘臣無任

杭州謝上表二首

臣軾言伏奉制書除臣龍圖閣學士知杭州臣已於今月三日到

任人訖者始衰而病豈非滿溢之災乞越得杭又過平生之望臣
軾誠惶誠恐頓首頓首伏念臣起自廢黜驟登禁嚴畢命驅馳未
償萬一懷安退縮豈所當然蓋散材不任於斧斤而病馬空縻於
芻粟故求外補以盡餘年豈期避寵而益榮求閑而得劇此蓋伏
遇皇帝陛下剛健中正緝熙光明無爲蓋虞舜之仁篤學有仲尼
之智而臣猥以末技日奉講帷凜然威光近在咫尺惟古人責難
之意每不自量方陛下好問之初遽以疾去推之理數可謂奇窮
荷眷遇之不移竊恩榮而愈重雖雨露之施初不擇物而犬馬之
報期於殺身臣無任

二

臣軾言伏奉制書除臣龍圖閣學士知杭州臣已於今月三日到
任上訖者人奉禁嚴出膺方面皆人臣之殊選在儒者以尤榮臣
軾誠惶誠恐頓首頓首伏念臣受寵逾涯積憂成疾既思退就於
安養又欲少逃於滿盈仰荷至仁曲從微願江山故國所至如歸
父老遺民與臣相問知朝廷輟近侍爲太守蓋聖主視天下如一
家鞭扑未施爭訟幾絕臣之厚幸豈易名言此蓋伏遇太皇太后
陛下天地之仁賢愚兼取日月之照邪正自分每包函其蠢迂欲
保全其終始兄弟孤立嘗親奉於德音死生不人更誓堅於晚節

臣無任

杭州謝放罪表二首

臣軾言臣近以法外刺配木州百姓一章顏益二人上章符罪奉
聖旨特放罪者職在承宣當遵三尺之約束事關利害輒從一切
之便宜曲荷天慈不從吏議臣軾誠惶誠恐頓首頓首伏念臣早
緣剛拙屢致憂虞用之朝廷則逆耳之奏形於言施之郡縣則疾
惡之心見於政雖知難每以爲戒而臨事不能自回苟非日月之
明肝膽必照則臣豈惟獲罪於今日久已見傾於衆言恭惟皇帝
陛下睿哲生知清明苟達委任羣下退託於不能憂養成材惟恐
其有過知臣欲去一方之積弊須除二猾以示民特屈憲章以全
器使臣敢不省循過咎祗服簡書眷此善良自不犯於漢法時有
貸捨用益廣於堯仁臣無任

東坡集卷三十一

表

一

一

亂羣之誅不請而決蓋恩威之無素致奸猾之敢行方俟譴訶豈
期寬宥臣軾誠惶誠恐頓首頓首伏以法吏網密蓋出於近年守
臣權輕無甚於今日觀祖宗信任之一以州郡責成於人豈有不
擇師帥之良但知繩墨之馭若平居僅能守法則緩急何以使民
顧臣不才難以議此恭惟太皇太后陛下寬仁從衆信順得天推

一身之至公納萬方於無罪而臣始終被遇中外蒙恩謂事有專而合宜精無他而可恕故加貸捨以示寵綬朝廷之明粗以臣爲可信吏民自服當不令而率從臣無任

賀明堂赦表二首

臣軾言宗祀告成修稟朝之盛典端門肆青蒼萬宇之歡心凡有識知舉增抃躍臣軾誠歡誠喜頓首頓首竊謂祖宗恩信之所被譬如天地寒暑之不差將推作解之仁必在當郊之歲恭惟皇帝陛下憲章大聖左右三靈上帝眷而風雨時壬人去而蠻夷服講明大禮對越昊天懷柔百神嚮用五福大河修復秦軌道於東流藩邸顧懷錫鴻各於西府臣備冒法從待罪守臣想聞路寢之鼓鐘曾叨奉引嘉與海隅之草木同被恩私臣無任

東坡集卷三十一

表

三

二

臣軾言嚴配禮成民心知孝好生德洽天下歸仁凡蒙一洗之恩舉有惟新之喜臣軾誠歡誠抃頓首頓首伏以功存廟社而辭其禮澤及草木而諱其名此聖人之所難幸微生之親見恭惟太皇太后陛下勳高任妙道配唐虞願惟致治於和平孰不歸心於保祐合宮均福畢修累聖之文會慶告成不居先后之位臣職叨禁從身遠闕庭旣欣渙汗之私溥霑動植更喜謙光之美獨冠古今

臣無任

謝賜歷日詔書表二首

臣軾言伏蒙聖恩特賜臣詔書并元祐五年歷日一卷者論道調元雖大臣之職授時賦政亦郡守之常而臣供奉內朝使指一道居則代言而頒令出則勸民以務農蒙此恩榮敢忘奉順臣軾中謝
恭惟皇帝陛下文明燾舌睿哲先天歷象教民本堯舜之智水旱罪已蓋禹湯之仁固將推廣其誠心豈特奉行於故事爰因歲首已宣布於王言孰謂民愚咸識知於帝力臣無任

二

東坡集卷三十一表

三

臣軾言伏蒙聖恩特賜臣詔書并元祐五年曆日一卷者竊惟稽古之君必以授時爲急庶日不失日官既有常先時不及時罰在無赦申以丁寧之詔致其惻怛之誠習見頒行止謂有司之故事考其情實則本聖人之用心臣軾中謝
恭惟太皇太后陛下元功在天盛德冠古順帝之則雖僉用於恩威與物爲春蓋同歸於仁厚而臣入奉講學出牧農民泰布詔書悉傳閭里庶德音之昭格致嗣蒞之豐穰臣無任

賀輿龍節表

臣軾言天佑民而作君惟德是人帝生商而立子有開必先納富

壽於方來實兆基於茲日臣軾中賀恭惟皇帝陛下文思天縱聖敬日躋以若稽古之心上遵王路行不忍人之政下酌民言神聽靖共天壽平格臣久塵法從出領郡符奉萬年之觴雖阻陪於下列接千歲之統猶及見於昇平草木之情日月所照臣無任

賀坤成節表

臣軾言仁惟天助壽不假於禱祈澤在民心言自成於雅頌恭臨誕月仰祝聖期雖凡庶之何知亦臣子之常分中謝恭惟太皇太后陛下儲神天地託國祖宗元勳本自於無心神智實生於至靜同守大器於茲六年放億萬之羽毛未若消兵以全赤子飯無數之緇褐豈如散廩以活飢民臣躬領郡符目覩茲事載瞻象闕阻奉瑤觴嘉與海隅之人同罄華封之祝臣無任

辭免翰林學士承旨狀二首

右臣今月二十八日奉勅已除臣翰林學士承旨左朝奉郎知制誥詔書到日可依條交割公事訖乘遽馬疾速發來赴闕臣已於當日依條交割公事訖伏念臣頃以兩目昏暗左臂不仁堅辭禁林得請便郡庶緣靜退少養衰殘二年于茲一事無補才有限而難強病不減而益增但以東南連被災傷不敢陳乞別求安便敢謂仁聖尚賜恩憐召還故官復加新寵不惟朝廷公議未允實亦

衰病勉強不前兼竊觀邸報臣翁轍已除尙書右丞兄居禁林翁爲執政在公朝既合迴避於私門實懼滿盈計此誤恩必難安處伏望聖慈除臣一郡以息多言臣見起發前去至宿泗間聽候指揮謹錄奏聞伏候聖旨

二

右臣近蒙恩除翰林學士承旨臣以衰病不才難居禁近兼以翁轍忝與執政理合同避奏乞除臣一郡今奉詔書未賜開允恩威之重需若雷雨豈臣屢陞所敢固違伏念臣自去闕庭日加衰白故疾不愈舊學已荒更冒寵榮必速顛躓而況清要之地衆所奔

東坡集卷三十一

表

三

趨兄弟送居勢難安處正使緣力辭而獲譴猶賢於忝冒而致灾伏望聖慈察臣誠懇特賜除臣知楊越陳蔡一郡臣今已到楊州迺遷前去南京以來聽候指揮十冒天威臣無任戰恐待罪之至謹錄奏聞伏候勅旨

乞候坤成節上壽訖復遂前請狀

右臣近奏乞依王洙故事罷翰林學士承旨仍乞一郡奉聖旨依累降指揮不允者銜戴恩慈怵迫威命已經三却其敢固違已於今月二十九日赴閣門祇受告命訖然臣衰病日加心力難弭親嫌之避愚守不移伏見坤成節在近欲候上壽訖復遂前請勉強

供職庶表見臣子恭順之心逡巡力辭蓋終存典刑分義之守護
錄奏聞謹奏

謝宣召再入學士院表二首

右臣今月十一日翰林待詔梁廸至臣所居奉宣聖旨召臣入院
充學士承旨使星下燭生蓬藿之光華天澤旁流失桑榆之枯槁
國有用儒之盛士知稽古之榮伏以翰墨之林號稱內相文章之
外不取他才至於用人可以觀政文武並用或成頗牧之功邪正
雜居至有佞文之患惟貴且近故難其人而况金鑾玉堂親被絲
綸之密北扉東閣獨稱年德之高必有異人以齊眾口而臣本緣

東坡集卷五十一 表

五

衰病出守江湖以一方凋弊之餘當二年水潦之厄戴星而治僅
免流離及瓜而還恍如夢寐交親迎勞都邑聚觀驚華髮之半空
笑丹心之未折宜投閑散以養衰殘豈期過採於虛名復使榮加
於舊物此蓋伏遇皇帝陛下德如乾健明配日中既祖述於堯仁
復躬行於舜孝才難之歎人誦斯言緣先帝之德音收孤臣於散
地言雖直而無罪身愈遠而益親委曲保全始終錄用臣敢不更
磨朽鈍少補涓埃難得者時未有捐軀之會勿欺而犯誓無患失
之心臣無任感天荷聖激切屏營之至謹錄奏謝以聞謹奏

右臣今月十一日翰林待詔梁廸至臣所居奉宣聖旨召臣入院
充學士承旨者衰遲無用寵既溢於當年眷待有加恩復隆於晚
節使華臨賁天語丁寧聳里巷之驚觀歎朝廷之用舊伏以禁林
分直法本六人帝語親承舊惟一老不緣各次之先後斷自上心
之簡求冠內朝供奉之班極儒者遭逢之盛凡膺此選宜得異材
而臣本以愚忠累塵器使初無已試之效但有過實乏各千里闕
庭二年江海憂深投杼豈無三至之言詔復賜環不待一人之舉
此蓋伏遇太皇太后陛下道無私載公生至明以七年之照臨觀
羣臣之邪正知臣剛褊自用雖有寬饒之狂察臣忠鯁不移庶幾
長孺之守故還舊物益茂新恩臣敢不早夜以思死生不易雖桑
榆之景已迫殘年而犬馬之心猶思後效

謝賜對衣金帶馬狀二首

右臣伏蒙聖慈以臣入院特賜衣一對金腰帶一條并魚袋鍍金
銀鞍轡馬一匹者漢官三服已分密麗之珎唐監八坊復下權奇
之駿拜嘉甚寵省已何功伏念臣受材迂疎賦命寒蹇幼師季路
止服緼袍長慕少游欲乘下澤目眩重金之耀神驚四牡之良俛
仰自惟周章失次此蓋伏遇皇帝陛下憂勤黎庶寤寐雋賢故損

廡虛之儲以廣英雄之鼓致茲辱陋亦被寵光臣敢不求稱于衷

益鞅其後薄德盛服當戒雞鶩之篇強力安邦庶幾有駟之頌臣
無任感天荷聖激切屏營之至謹錄奏謝以聞謹奏

二

右臣伏蒙聖慈以臣入院特賜衣一對金腰帶一條并魚袋金鑲
銀鞍轡馬一匹者鑲錫金靴示有馳驅之勞寶帶襲衣豈無約束
之義上既循名而責實下當因物以貢誠伏念臣少則賤貧長而
困阨仲卿龍具追晏子之一裘伯厚雞栖陋景公之千駟無功拜
賜服寵汗顏顧惟何人膺此異數此蓋伏遇太皇太后陛下躬行
慈儉德貫天人約於奉已而侈於養賢嚴於私親而寬於馭眾憐
其朽鈍借以光華臣敢不衣被訓詞服勤鞭筆惟德其物永觀不
易之言思馬斯徂更厲無邪之志

笏記二首

臣蒙恩授翰林學士承旨知制誥兼侍讀者出膺闈寄入長禁林
皆儒者之極榮豈篤材之所稱此蓋伏遇皇帝陛下法天凝命稽
古象賢總攬羣英兼收小器欲效涓塵之報未知糜隕之期臣無
任感天荷聖激切屏營之至

二

臣蒙恩授翰林學士承旨知制誥兼侍讀者守無功方期一逐召

還何幸復玷清華此蓋伏遇太皇太后坤載沉潛母慈均一旣陶
甄於頑鑿復封植於散材誓卒餘生少圖來效臣無任感天荷聖
激切屏營之至

謝兼侍讀表二首

臣賦言今月四日伏奉告命除臣兼侍讀者用非其分寵至若驚
滿溢之憂逡巡莫避臣某誠惶誠恐頓首頓首伏念臣與弟轍同
登進士金擢賢科內外分掌於制書先後迭居於翰苑今臣以經
史入侍司言行於中轍以丞轄立朝督綱條於外恭承明詔不許
固辭以爲兄弟之同升自是朝廷之盛事承明三入僅比古人大

東坡集卷二十一 表

三

雅一門無慙舊史人非木石恩重丘山恭惟太皇太后陛下明極
照臨憂深付託欲爲社稷之衛莫如臣僕之賢以帝堯之哲而甚
畏於壬人以孔子之聖而忠見於狷者致茲選擇驟及迂愚臣敢
不淬勵初心激昂晚歲誓堅必死之節少報不貲之恩臣無任感
天荷聖激切屏營之至謹奉表稱謝以聞臣某誠惶誠恐頓首謹

言

二

臣賦言今月四日伏奉告命除臣兼侍讀者叨承新命祗服訓詞
薄技已窮舊恩未替臣某誠惶誠恐頓首頓首伏念臣志大而才

短論迂而性剛以自用不同之心處衆人必爭之地不早退縮安能保全是以前三年翰墨之林屢遭飛語再歲江湖之上粗免煩言豈此身愚智之殊蓋所居閑劇之致臣之自處何者爲宜而況講讀之司帷幄最近分章摘句則何以報非常之知因事獻言又必貽前日之患雖仰恃天日之照實常負冰淵之虞恭惟皇帝陛下大德庇民小心順帝雖天覆地載以聖不可知爲神而日就月將以學而不厭爲智曲收舊物以廣多聞臣敢不職思其憂本無分於中外欲報之德誓不易於死生臣無任感天荷聖激切屏營之至謹奉表稱謝以聞臣某誠惶誠恐頓首頓首謹言

東坡集卷五十一 表

謝三伏早休表二首

大火既中三庚云伏炎熹之病貴賤所同忽蒙退食之恩遂失流金之酷恭惟皇帝陛下仁均動植明燭幽微上有無逸之勤下無獨賢之歎臣等逢時多暇竊祿安居共揚扇暘之風以安黎庶更勵飲水之節少荅生成臣等無任仰天荷聖激切屏營之至

二

星火見而金微日方可畏朝氣銳而晝情恩獲少休上既知勞下皆忘暑暴惟太皇太后陛下勞謙恭己內恕及人雖天地無一物之私而父母有至誠之愛臣等仰蒙寬假動獲便安未明無顛倒

之衣省循何幸夙退有委蛇之食歌詠而歸臣等無任仰天荷聖
激切屏營之至

謝除龍圖閣學士知潁州表

臣軾言伏蒙聖恩以臣累章乞郡除臣龍圖閣學士知潁州者引
嫌求避顧舊典之甚明易職寵行荷新恩之至厚疎愚自省慙悚
交并

中謝

伏念臣學陋無聞性迂難合受四朝之知遇竊五郡之
蕃宣吳會二年但坐糜於廩祿禁林數月曾未補於絲毫敢冀殊
私復還舊物恭惟太皇太后陛下仁涵動植明燭幽微知臣獨受
於聖知欲使曲全於晚節憐其無用許以小安凡力請八章而後
從使不爲一乞而遽去在臣進退可謂光榮雖老病懷歸已功各
之無望而衷誠思報尙生死之不移臣無任感天荷聖激切屏營
之至謹奉表稱謝以聞

